



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Exhortationes|| Ad|| Religiosos**

**Dirckinck, Johann**

**Coloniæ Agrippinæ, 1704**

In festo B. Stanislai Kostkæ, vel alterius Confessoris.

[urn:nbn:de:hbz:466:1-51834](#)

## EXHORTATIO I.

PRO FESTO

B. STANISLAI KOSTKÆ,  
SOCIETATIS JESU NOVITII.Probat fontem sanctitatis esse, gratiam vocationis & coopera-  
tionem nostram.

THEM A.

*Consummatus in brevi, explevit tempora multa. Sap. 4. 13.*

**D**um complures è Beatorum cœtu, exiguo temporis intervallo, ad magnam evertos sanctimoniam cernimus, ad quam alii toto vita, quantumvis longæva, spatio non pertingunt; merito in admiracionem rapimur. Quis enim non admiretur S. Agnetem tredecennem puellam, virtute iam perfectam, ad martyrii tormentum, velut ad nuptiale convivium, anhelantem? Quis non stupeat ternas S. Sophie filias virgines, Fidem, Spem, & Charitatem, charitate eximia illustras, ad martyrii cruciatum, non fecus atque ad epulas properantes? Et ne abeamus longius, quis non demiretur B. Aloysium Gonzagam, anno ætatis quarto supra vicefimum Societatis initæ

quinto, ad consummatæ sanctitatis culmen elevatum? B. Jacobum Chisai, annis quidem gravem, sed in Ordine nostro Tironem, & B. Joannem de Goto, undevicesimo ætatis anno, Tirocinii Societatis primo, in Japonia, ad martyrii palmarum evolantem? Par ratione, quis non obslupescat B. Stanislaum nostrum, Adolescentem duodeviginti annorum, decem mensium Tironem, ad eum perfectionis verticem consendere; ad quem alii plurimi, quadrageinta aut quinquaginta annorum intercedine, non eluctantur? Quem vero fontem tam accelerata, sublimisque perfectionis esse arbitrabimur? Gemini in ejus vita fontem reperimus; copiosam sc. religiose vocationis gratiam, & strenuum B. hujus Adolescentis cooperationem, quem exhortatione praesente elucidabimus, ut pro modulo nostro, charismata meliora emulemur.

Nn I. Piz.

1. Præstantissima & copiosissima vocationis gratia, quâ nonnulli Sanctorum ad vitam religiosam, perfectionem sublimem accersuntur, fons est omnium bonorum, ac donorum, inde promanantium. Ut recte observavit R. P. Franciscus Sacchinus vita B. Stanislai Author; atque hisce verbis insinuat *Affluens donorum, qua deinceps alia super alia, semper uberioris congesta in eum ē cælo sunt: quasi fons & semen fuit, efficacissimus & uberrimus, donata et à principio, religiose gratia vocationis.* Gratia hæc teste D. Augustino. 2. de Gen. contra Manich. 4. Fons est paradisi; nimirum: *Divina illustratio interior, à Deo velut paradise profluit.* Cui jure aptamus, quod S. Bernardus ferm. 1. de Nativ. Christo Domino attribuit; à quo omnis gratia vocationis tanquam fonte, dimanat. Est ergo fons gratiæ vocationis, *Fons misericordia ad diluendas culpas, dans aquas remissionis: fons est sapientia, ad stim nostram potandam, dans aquas discretionis.* Fons est gratiæ ad irrigandas plantas bonorum operum, dans aquas devotionis: denique fons est amulatōnis, dans aquas ferventes, ad coquendos cibos affectionum, qua fervent igne charitatis.

An non ejusmodi fons Beato Stanislae extitit, *efficacissima & uberrima, donata et à principio religiose gratia vocationis?* ita sane: illa enim verè fuit iphi fons misericordie divina, largâ in eum venâ scaturiens, & copiola dona ac charismata profundens: illa fons fuit sapientiæ, rerum spiritualium, ac celestium, gustum, saporēmque tributus;

ens; terrenarum verò naufragi pariens, Illa fons in eo fuit gratiæ, ad omnes Dei & superiorum nutum promptissimum reddens, plurimaque opera bona proferens. Illa fons fuit amulatōnis ac zeli omnia vocationis impedimenta fortiter perumpens, passiones mortificationis freno cohibens, virtutum cimelii inhibens, omniisque religiose vitiæ consentanea ornamenta, prouibus, conquitare satagens.

Sed videamus in particulari, quâ sapientiæ & illuminatione, quâ amulatōne ac zelo prosecutus fuerit, gratiam vocationis. Quemadmodum prædictus vita Author refert; ex vocationis gratiæ, ejusdemque tenacissima dilectione, ortum duxit. 1. Ut dies & noctes nihil in mente eius & ore forer, nisi Deus & Societas Iesu. 2. Ex hac profluxit fervor instandi & perurgendi apud Patres & Pontificis legatum, quo voti tandem compos, in Societatem adlegeretur, adhibendo nos preces modò assiduas; sed etiam lacrimas. 3. licet R. P. Laurentio Magno Provincia Præsidi staret sententia eum, nisi bona à Parentibus imperatâ venâ nequaquam admittere; Animum tamen ipse minimè despondit; vocationem non deferrit; sed potius ejus deridere in immennum auxit: atque ut contra Diaboli iactationem, se fñmūret; sacram jecit anchoram, & populo votum adjunxit, quo se plane Societatem ingressurum spopondit. 4. Postquam collocato à Beatisima Virgine, in ejus lectulo, puero Iesu, sanitati restitutus, & ab eadem, de ineunda Societate disertè monitus fuit, multò amplius

amplius ejus desiderium excrescit; quae Imperatricis Ecclesiasten Viennæ adiit, atque ut consilio & auxilio adesset, per Deum rogavit. 5. Cum vero hic suaderet, ut vel Augustam ad R. P. Canisium, vel Romanam ad S. Borgiam tunc Societati universæ Præpositum, se conferret: mox assumpto pueri rusticani habitu, literisque ab Ecclesiaste aulico obtentis, ad Canisium & Borgiam concessit; voto etiam addito; se nullum peregrinandi & interim viatum emendandi finem facturum, quod in tam optatum sibi ordinem penetrandi vel tumultum inveniret. 6. Ubi ad Canisium pervenit, is spe nonnullâ ostentata, & ut interim viderer, num quid parentes molirentur, in Convictorum ædibus Dilinge, jubet nobilem hunc Adolescentem humilium & servilia tractare opera, varieque probatum, Romanam ad Borgiam destinat: quando totum illud iter rursum pedes consecrit: atque ubi Romam appulit, Anno 1567. festo SS. Apostolorum Simonis & Judæ, tandem in Tironum numerum est adscriptus. 7. Ut autem thesaurum hunc absconditum reperit, tanto labore quæsitus, nunquam satiabitur gaudens; & quia ex abundantia cordis os loquitur; plerique ejus sermones instituebantur de beneficio vocationis, nec ferè unquam sine magnificientia sententiarum, gravitate verborum, & umeribus lacrymis. O incredibilis via & energia gratiæ vocationis! O fons copiosus, misericordia, Sapientia, gratiæ & æmulationis! O beneficium ingens! o vena cœlestium

donorum largissima, omni possibili actione gratiarum digna!

Sed nunquid & vos, Chalimii, obtinuistis à benignissimo Numine gratiam vocationis? Nunquid & in vos, fons hic miserationum Domini est protus? Quin imo. Accepistis enim singulari à Deo vocationis gratiam, cui forte Beato Stanislao haud parem: sed tamen efficiem, sed magnam, sed specialem; quâ aurigante, patriam, parentes, amicos & omnia reliquistis, atque ad hoc Trevirensi Tirocinium, tanquam ad salutis æternæ asylium, & perfectionis Gymnasium configisti. Omnia hæc fonti gratiæ vocationis debentur: sed estne fons iste vobis quoque fons misericordia, fons sapientiæ, gratiæ & æmulationis? Est, respondetis, sed tenuis fortassis non latus parcus, non copiosus. Unde vero illud? Cur fluit B. Stanislao abundantius, vobis parcus & utique ex cooperationis defectu de quo sequente puncto pluribus.

II. Quod fons altius & copiosus è monte per canales descendit ac defluit, Fons Simeonis & Iustitiae strenua coepit. vocationis. è quoque in artificiose fontibus elevatur & ascendit sublimius: quod vena vocationis Divinæ è cœlo emanat largius, è per cooperationem vocationis refunditur in Deum liberalius. Partet id in angelico nostro Stanislao, de quo P. Sacchinus in vita, postquam retulisset uberrimam vocationis gratiam, ejusque amorem & estimacionem; mox subiungit: Cui ipse egregie respondit: & cum eidem se gratissimum & obsequentiissimum præberet; eâ te largum divina benignitatis flumen in illum refun-

N u z debatur;

## EXHORTATIO I.

284  
debetur; & egregie preparatum secundabat:  
& ipse vicissim, ut fidelis servus, in agro cor-  
dis sui, multiplex virtutum incrementum  
proferebat, quod ad Deum veluti fructus re-  
dibat.

B. Stranislaus gratia uberrima vo-  
cationis egregie respondit; eidem coope-  
rando: Gratissimum & obsequenter sum eis  
se prebui; exactissime eam sequendo,  
regulas & omnia, quæ exigit, quam di-  
ligentissime observando; hinc largum  
divinae benignitatis oriebatur flumen,  
hinc multiplex virtutum incrementum;  
hinc fructus bonorum operum: hinc  
manabant aquæ remissionis peccatorum,  
& vita pura ac propè ange-  
lica, quæ ad exhomologesin, vix absolu-  
tionis materiam adferret: ex hoc  
fonte scaturiebant aquæ sapientia sal-  
utaris, aquæ discretionis, amor institu-  
ti, perūque spiritualium & æternarum  
æstimatio; hinc fluebant aquæ devote-  
onis, pietatis, promptitudinis ad ob-  
temperandum moderatoribus, divini-  
nique inspirationibus prorsus singula-  
ris, ita ut nihil, quantumvis parvum,  
exile ac minutum reputaret, aut con-  
temneret; atque jussa variis interpretatio-  
nibus ad sensum suum accommodaret;  
sed simplicitate & fidelitate summâ  
capesseret. Ex hoc fonte scaturiebant,  
aquez amulationis, zeli, fervoris &  
charitatis, cum seria voluntate, & ge-  
nerosa resolutione, omnia ardua vin-  
cendi: quod dum re ipsa gratia divina cooperando, præstat, intra paucos menses, in tirocinio Societatis transfactos, ad perfectionis culmen est proiectus. Hoc nisu & impetu fortunatus ac rapidus  
cursor per exiguo tempore, longissimum

virtutis spatiu emensus, destinatum  
apprehendit bravium, mense ab ingre-  
si Societatis decimo: verè consumma-  
tus in brevi explevit tempora multa. Sap. 4,

Cur vero nos, obsecro, Charidimi-  
tam tardè ac ferò ad perfectionem per-  
tingimus? & non dico, intra denos  
menses, sed intra denos, vicenos,  
aut tricenos annos, non èo, quod ipse  
tam citò, eluctamur ac ptervenimus?  
Non deest nobis vocationis gratia, ut  
diximus; sed deest tam magna vo-  
cationis æstimationis; deest tam ardens  
ejusdem amor, & ex eo nasci solitus  
fervor intensus, & seria efficacior  
voluntas, omnia implendi, que vo-  
cationis requirit, omnia impedimenta  
perrumpendi, omnia media genera-  
adhibendi; qualis in B. Stanislaoo eluxit:  
hinc tardo ac testudineo gradu procedi-  
mus, hinc adeò segniter perfectionis  
negotium aggredimur. Exempli grati-  
a, unum adduco præstantis perfectionis  
adminiculum, examen particulare, quo  
si strenue uteremur, citò longum per-  
fectionis iter absolveremus: verum,  
quia ignavia laboramus, & seria defi-  
ciunt voluntas, in imperfectionibus ha-  
remus: intra dies quatuordecim, cum  
divina gratia obtainere possemus ex-  
actam oculorum custodiā, sed vix in-  
tra tres menses assequimur: intra ocul-  
dum, si efficaciter vellemus, valere-  
mus acquirere virtutem silentiis; sed vix  
intra complures menses adipiscimur;  
idemque est in aliis virtutibus: quia de-  
est generosa mens, deest fervor, deest  
efficacia, & seria voluntas, vocationis  
divinae cooperandi, & nos eidē quam gra-  
tissimos & obsequientissimos exhibendi.

Quoties

Quoties diximus , ad religionem aspirantes, cum Apostolo : Domine quid me vis facere ? Et hodiecum dicimus ; sed verba sunt, absque re, inefficacia : vocatio enim ostendit, quid factò opus sit; & non facinus.

Alio spiritu, alio fervore, alià resolutione, & resignatione Doctor Gentium eadem verba pronuntiavit: Domine quid me vis facere ? Ideoque tam citò perfectionis culmen confundit, atque ad Apostolici muneric dignitatem & sanctitatem pertigit. Mittebat Dominus Aetorum c. 9. Ananiam ad Saulum dicens: Quare in domo Iude Saulum nomine, Tarsensem. Admirans Ananias, ejusmodi imperium , illico reponit : Domine audiri à multis de viro hoc , quanta mala fecerit sanctis tuis in Ierusalem. Sed respondet Dominus: Vade quoniam vas electionis est mihi iste : Ad solum Saulinum expalluit Ananias; & dixit: Tantundem est mittere me ad Saulum, quantum ad sylvam amandare, ut à tygride devorer , aut dilacerer à leone. Nónne jam gladios strinxit? Nónne patentes , ad omnes fideles comprehendingendos, vincendos & trucidandos obtinuit ? Sed sedavit Dominus Ananiam timorem, dicens : Vade; noli timere; nam Saulus non est amplius ille qui fuit. Quomodo ? reingerit Ananias , nónne ante triduum persecutor erat? Omnino; at jam triduum est , quòd sit sanctus. Non est qui erat , plenus minarum & cædis : Sed vas electionis est mihi iste , ut portet nomen meum coram Gentibus , & Regibus & Filiis Israel. Eft, non ait, erit, mihi : quia extra cœlum non habeo in terris quenquam, in quo plus confidam,

quàm in Saulo. Piscatum exerceat Petrus : Venite post me fasciam vos pescatores hominum. Matth. 4. 19. Sed Saulus pro amplificatione nominis mei, terras barbarorum peragrabit, Tirannis obviam ibit , & nomen meum atque Evangelium, ad Gentes & Reges deportabit.

Quām stupenda res est ista ? Quām admiranda metamorphosis ? Saulus persecutor Ecclesiæ , & juratus Christi inimicus , triduo evadit Apostolus & Sanctus ; & vas electionis : nec tamen vel regulam habuit, à qua dirigeretur, nec Instructorem à quo doceretur , nec methodum seu normā vivendi , quā ad sanctitatem duceretur. Et Religiosi complures , omnibus ejusmodi mediis probè instructi , nō solum post tres dies, aut post decem menses , sed post decem annos & plures, ad perfectionem non provehuntur, sed in eodem manent, & utinam non quandoque imperfectiores quām fuerant in principio! Causam jam insinuavimus : deest fervor, deest impetus spiritus, deest seria & efficax voluntas, deest strenua cooperatio , quæ in B. Stanislao, quæ in Saulo emicuit: Domine quid me vis facere? Indica mihi duntaxat; & nihil tam erit arduum , quod amore tui , non sim aggressus : quemadmodum & confessim aggressurus est : nam totus mutatus in alium ; quia totum se ipso se spoliavit , à charis suis se separavit, & precibus vacavi : Ecce enim orat. Act. 9. Antea spirabat minas, nunc spirat & suspirat ad Deum : jejunium libi severum indixit: Et erat tribus diebus, non manducans, neque bibens. l.c. Non curans amplius corpus suum. Libenter coecitatem suam toleravit: Et erat tribus diebus

## EXHORTATIO I.

286

*non videns. Cinerem in ore, lacrymas in oculis gerens, genibus in terram curvatis, cor in celo desigens; atque ut verbo absolvam, Urna illa veneno plena, mutata est in phialam incensi, persecutor in Apostolum, Saulus in Paulum, vas reprobationis, in vas electionis; & hoc non nisi triduo. O mutatio dexteræ excelsi! O mira vocationis gratia & vis, cum cooperatione strenua conjuncta!*

*Non ego, (solus) sed gratia Dei mecum; & ego cum Dei gratia.*

Et Societas nostra non poterit, quod Damasci potuit domus Judæ? Omnino nam Ignatius non erat Apostolus, non erat purissimus, non erat sanctus, dum Manresanum antrum subiret; miles erat & inter milites, insolens, & inter iniolentes superbis, alisque virtutis irretitus, sed brevi temporis intervallo, sanctimoniam fuit adeptus. Stanislaus paucis mensibus, in Societate, ingentia sanctitatis incrementa fecit: totum est in hoc, ut efficaciter velis, ut gratia vocationis coopereris; ut serio & veraciter cum Paulo dicas: *Domine quid me vis facere?* Ut ipsis cum B. Stanislao vocationis gratia, te gratissimum & obsequientissimum, quod neglectum haecenus, praebas: & quidquid, etiam minutissimum, quod vocatio aut regula requirit; exequaris.

Quapropter, Charissimi, si ad sublimem perfectionis Evangelicæ, ad quam

vocati sumus, culmen ascendere desideremus B. Stanislaum Novitium, aqua ac nos sumus, pro modulo nostro amulemur. Accepimus cum ipso efficacem, ubermque vocationis gratiamque, ut ostendimus, largissimus fons est, misericordia, sapientia, gratia & charitas: quam si amemus intense, si diligamus summè; tanquam fons Paradisi copiosus, aquas remissionis peccatorum, aquas devotionis, discretionis & fervoris in nos largiter effundet: quemadmodum in B. Stanislaeo confiximus. Sed omnino necessarium est, ut ejusdem exemplo, vocationis gratia animose respondeamus, eadem nos gratissimos & obsequientissimos præbeamus, nihil minutum reputemus, nihil, quantumvis parvum, spernamus, sed feriam, firmam, constantem, & invictam voluntatem afferamus, præstanti generosè omnia, quæ vocatio nostra, & instituti ratio postulat. Dicamus igitur cum Apostolo; *Domine quid me vis facere?* Et simul manum applicemus, ac cum eodem Apostolo, cum S. Ignatio, B. Stanislao, & sexcentis aliis, generosissimis Societatis nostræ Athletis, opus petitonis aggrediamus: hæc viâ, cum illsdem, per singularem vocationis gratiam, strenuamque cooperationem nolstram, ad perfectionis culmen eluctabimur.



EXHOR-

**EXHORTATIO II.**  
**AD NOVITIOS PRO FESTO**  
**B. STANISLAI KOSTKÆ.**  
**SOCIETATIS JESU NOVITII.**

Suadet amorem Dei, Christi Eucharistici, & Beatissimæ Virginis, exemplo hujus Beati.

THEM A.

*Et ego tres sagittas mittam & jaciam, quasi exercens me ad signum. 1. Reg. 20. 20.*



Mnes, quotquot quorum oculi & cor cùm hærefo labè  
in Orbe universo inficiantur, & vera fidei lumine desti-  
ab Adamo de-  
scendimus mor-  
tales, jaculato-  
res sumus & sa-  
gittarii; à Deo  
arcu, pharetra,  
& sagittis instruti; ac centro præfixo  
ad jaculum dispositi. Arcus & pha-  
retra nostra sunt, cor & voluntas. sa-  
gittæ affectus, centrum & scopus Deus  
O. M. qui cùm magnus sit & immen-  
sus; haud difficulter tangitur: & tamen,  
quot, prò dolor! mortales à nobilissimo  
hoc scopo aberrant! priuò enim devi-  
ant Infideles omnes, qui cùm scopum  
suum ignorent, Deum non videant, aut  
cognoscant, quid mirum est, si toto coe-  
lo aberrent? Deinde aberrant Hæretici,

varias,

varias, & quām plurimas ejaculatus  
sit sagittas, ternas tamen nobiliores  
& præstantiores emisit: scilicet sagit-  
tam amoris & charitatis in Deum, de-  
inde in Christum Eucharisticum, ac  
denique in Beatissimam Virginem.  
Quas sagittas exhortatione præse-  
declarabimus, ut Novitii, hoc No-  
vitiorum speculum pro modulo nostro  
immitemur.

I.  
Sagitta a-  
moris  
Dei.

I. S. Dorotheus Doctrinā 6. Domi-  
num Deum, mundi & amoris nostri  
centrum rectè nuncupat; ad quem è  
cordis nostri pharetha, aureæ di-  
lectionis sagittæ, id est ferventes amo-  
ris affectus indesinenter ejaculandi  
sunt. Novit præclarè hanc sagittandi  
artem B. Stanislaus, quot enim ille in  
Deum centrum suum charitatis tela  
ardentia evibravit? Resert P. Francis-  
cus Sacchinus Societatis nostræ Theo-  
logus Author vita ejus: *Tantum a-  
more in Deum ferri solitum, ut calor in  
ipsum corpus redundaret. Certum est, in-  
quit, ipsum ex animi redundantia; ita  
amoris divini incendio incalescere, ita  
exsiccare solitum corpus, ut pectori ad re-  
frigerandum cor, imbutos frigida pannicu-  
los neesse esset apponere.*

Verūm unde obsecro, hi astus? Unde  
ardentes hæ affectuum sagitta ortum  
duxeré? Non aliunde, quām ex illu-  
stratione mentis & clariore Numinis  
Supremi cognitione, quam Divina  
Bonitas, puris mentibus impetriri con-  
suevit: Nam, Beati mundo corde, quo-  
niam ipsi Deum videbunt. Matth. 5. 8.  
Aſſiduè enim orationi, meditationi &  
contemplationi intentus erat, absque  
animi evagationibus: *Quo enim evaga-*

*ret, inquit Sacchinus qui jam seten-  
tac penitus in Oceanum immensum divi-  
tatis immerserat, unde quo se cunque ven-  
ret, nunquam emerget?*

Hæ ratione immersus, cognoscet  
& stupebat, non solum Deum tanquam  
inexhaustum omnium bonorum & be-  
neſiciorum fontem, quæ ex illo tan-  
quam rivuli liberalissimè emanant,  
verūm etiam Deum videbat & inue-  
batur tanquam summum, infinitum  
& unicum bonum, in quo omnia bo-  
na, omnia attributa, omnes perfe-  
ctiones possibiles & imaginabiles, &  
minentissime continentur; ita ut neq;  
unica illi queat deesse, ac proinde di-  
gnissimum esse, qui amore summo,  
omni & unico à nobis diligatur, ab  
que ulla cordis ad alios amores divi-  
hōne, qui ad ipsum non ordinentur.

Quod si & nos, Charissimi, cupi-  
mus ardentes in Deum sagittas amoris  
ejaculari: ſtudeamus primo in oratio-  
ne & meditatione Deum probè cogno-  
scere, & infinitam ac summam eis  
beneficentiam; infinitam & summam  
eius potentiam, infinitam & summam  
eius lapientiam, pulchritudinem, ama-  
bilitatem, bonitatem ac sanctitatem  
ponderare. Dupličia autem via, Deum  
concipere & cognoscere valimus, ut  
doceat Sanctus Dionysius Areopagita  
cr. 1. de divin. nomin. & c. 3. de myll.  
Theol. 1. Per affirmations, quibus  
omnes perfectiones ei tribuimus. 2.  
Per negationes, quibus omnes perfe-  
ctiones ut à mente creata, ab ipso lu-  
mine gloria, concipiuntur, de co-  
nagamus. Priori modo concepiimus Deum  
esse spiritum sublimissimum, optimum,  
maximum,

sempiternum, benignissimum, sapientissimum, potentissimum, sanctissimum, justissimum, misericordissimum, pulcherrimum, rebus omnibus intime præsentem, omnia interius creantem, formantem, conservantem, gubernantem, & ad suam gloriam dirigentem, tanquam primum principium, & ultimum finem rerum omnium.

Posteriori modo, Deus concipitur esse Spiritus infinitus, immensus, semipiternus, infinitus supra omnem excellentiam & magnitudinem à mente creata conceptibilem elevatus, supra omnem substantiam, supra omnem potentiam, sapientiam & bonitatem, supra omnem intellectum, lucem, beatitudinem & gloriam. Adeò ut ipse nihil horum propriè sit, nulli horum sit similis, sed infinitè sublimior & præstantior.

Atque ubi hæc ratione summum hoc Bonum cognoverimus, arcum & sagittas deponamus; & in affectus cum B. Stanislao, amoris ferventes erumpamus. Deum nostrum ex toto corde, ex tota anima, ex tota mente, & ex omnibus viribus diligamus. O summum & infinitum bonum, quid multum est, si te super omnia diligamus; cum tu sis infinitè elevatus super omnia? Et quid magnum est, si tibi reddamus totum summum & unicum amorem nostrum, siquidem hoc totonc est exiguum, comparatione ejus amoris, quem tota tua bonitas summa & unica meretur.

II. Altera sagitta, quam B. Stanislaus ex pharetra cordis sui deponspit,

& evibravit, fuit sagitta amoris erga Christum Eucharisticum; erga quem à Eucharistio puer, tenerrimo affectu ferebatur; & sicut, veluti in centrum suavissima pietatis, devotionis & charitatis sagittas emittebat. Solent milicæ Tirones, (quoniam & jaculandi optimè perit) vel relaxationis animi, vel præmii gratiæ, pro dexteritate in tangendis objectis, acquirenda, scopum aliquem, quem centrum simul appellant, præfigere, scilicet in medio fusca tabula, centrum album, hostie non absumile; hoc omnne studium conatimque impendunt, ut tangent. Christus Dominus noster, sapientia & bonitas infinita in mysterio Eucharistico, sub figura meta se nobis propofuit; neque enim gratis dixit per Prophetam: Posuit me tanquam signum ad sagittam. Thren. 5. Posuit eum Dominus tanquam signum & scopum, ut saluberrimus illum affectum telis petamus. In Calvaria vertice propositus nobis fuit in figura doloris, in signum cui contradicetur (ex Vaticinio S. Simeonis) tanquam signum ad clavos & lanceam; id est, scilicet, laceratus, puncatus, contumelias & iuris appetitus fuit: at in hoc amabili Sacramento, positus est etiam quidem tanquam signum, sed ad sagitam, nimis amoris.

Ad hoc signum sagittam dilectionis vibrabat B. Stanislaus: illuc collimabant, devotionis, desiderii & voti ejus affectus; memorabile est, quod de illo refert P. Sacchinus in vita p. 24. Mensis Decembri, paucis ante morbum diebus in Barbaræ Sanctæ vita, quam solennia ejus celebraturus, legebat;

Oo scriptum

Sagitta à  
mois

scriptum fortè repererat, qui sese ei Virgini commendarent, eam non passum, ut sine supremis divinorum mysteriorum praesidis è vita concederent. Quo loco haud paulò magis, quam si thesaurum invenisset amplissimum, latus, tanti beneficii, ut se quoque Patrona sua, facere participem vellet, precibus, Sacramentisque pœnitentia atque Eucharistia ad eam rem suscepisset, instituerat. Hoc igitur in præsentia secum studiosè reputans, cœlesti plenus fiducia, in tanta sua necessitate ac solitudine, ut memor fui sit, benignissimam Martrem rogat; venisse illud tempus, quo præcipue ejus ope indigeret. Ecce autem (singulare donum, paucisque concillum) nocte intempestâ, ipsa appetit S. Barbara, duóque Angeli in claro lumine, sacrosanctam afferentes hostiam, qui cum ad lectulum accessissent famelicí agri, reverenter ei porreixerunt: atque ipse summâ primâ animi demissione veneratus, pari deinde cum gaudio Deum cordis sui, parentem & arbitrum vita, salutisque sua suscepit. Haec tenus Sacchinius. Quas verò fidei, spei, charitatis, devotionis, adorationis, gratiarum actionis, laudis ac benedictionis sagittas in obtentum voti sui scopum ejaculatus fuerit, quis verbis expresserit? Eadēdem de prompsit, dum postmodum supremum viaticum, renidenti ad stuporem ore, & animi luctitia gestientis exultatione obtinuit: Eadēdem repetit cum S. Sacramentum piè invisens, precibus suis Consolali, tristitiae nebula discuslit: ut vita ejus perhibet.

In hisce denuo Beatum Adolescen-

cem imitemur: positus est quodque nobis in Eucharistia Christus Dominus, tanquam signum ad sagittam: Quare quis nostrum cum Jonatha dicat 1. Reg. 20. 20. *E regires sagittas mittam pro te enim;* & jaciam quasi exercens me ad signum. Quas tres? Fidei, Spei, Charitatis: *Ecce sagitta intra te sunt:* Ex quo variaz, quas in eum, vel dum in tabernaculo latente visitas, vel dum in synaxi sacra recipis, ejaculari poteris; hinc igitur arcum, sagittas deproinde & vibras, jam religionis & devotionis, jam adorationis & cultus, jam petitionis & obsecrationis, jam querelas coram illo exposita; & propositi, jam resignacionis & patientiae; sed ut plurimum triu[m] Jonathæ sagittis utere, tribus in qua[nt]i[t]bus Theologicis, Fidei, Spe & Charitatis; nullæ enim magis accepta, nullæ magis ad cor Dei penetrant. Atque ita, à nostris amanissimo Redemptore, animæ majorem puritatem, virtutum robur, charitatis & omnigenz perfectionis incrementum reportabimus.

III. Tertia Beati Stanislai sagitta sequitur, charitatis tenerissima erga Beatissimam Virginem Deiparam, quæ ab ipso in eam dirigebatur tanquam in scopum, non ultimum, sed intermedium, ut mediante geminos priores scopos attingeret facilius. Erat autem affectus & charitas ejus omnino filialis, tanquam Filii erga matrem cœlestem. B. Stanislaus, scribit Sacchinius, invita, Filii amore, usque adeo erga B. Virginem induerat, ut eam in omnissimone Matrem appellare consueverit, idque tanto cum sensu & ingenuitate, ut audien-

audientibus partem sua survitatis aspergeret: cùmque frequentissimè de ea loqueretur, nova semper & magnificestissima nomina excoigitabat, & gradus altissimos, in quibus eam collocabat: identidem in manibus ejus videre erat aut corona precatoria, & pius libellus, precatio[n]es vel laudes parentis sanctissime continens; quibus satiati haud posse videbatur.

Tenerissimo huic filialiamori, vici-sim Beatissima Virgo amore materno respondit; & singularibus beneficiis eum affectit: dum agrotanti apparuit ac se videndam exhibuit: Christum Filium suum in lecto ejus collocavit; sanctatem ei restituit, atque ut Societatem IESU ingredetur, disertè monuit.

Discamus, Charissimi, hujus Beati Adolescentis exemplo sagittas filialis amoris in amantissimum Deiparæ core ejaculari; discamus filiali, tenerissimoque eam amore complecti: ipsa est non solum Mater IESU dilectionissimi Fratris nostri; verùm etiam Mater nostra dulcissima; nam & nobis in Joanne Apostolo dictum est: *Ecclesia Mater tua.* Mater misericordia, Mater pulchrae dilectionis, Mater viventium, Mater totius generis humani. Nam ut ait Sanctus Antoninus p. 4. cit. 15. c. 20. *Sicut Christus nos genuit verbo veritatis, ad esse gratias/rituale, in cruce patiendo;* ita Beata Virgo nos genuit & peperit, in maximis doloribus, filio compatiendo. Sicut pia mater abcondit filium sub pallio, quando pater vult eum verberare; ita B. Virgo confugientes ad se, Christi-

sti iustitiam formidantes, abscondit, defendit ac protegit: ut ait Richardus L. 12. de laud. Virg. *Sicut Mater generis nostri, ut docet Sanctus Augustinus serm. de Nativ. B. V. panam intulit mundo; ita Genitrix Domini nostri salutem attulit mundo: & sicut auxtrix peccati Eva;* ita auxtrix meriti Maria. Eva occidendo obiit, Maria vivificando profuit; illa perenbit, ista sanavit.

Quidni igitur, tam benignam Matrem, filiali amore complectamur, crebroque sagittas orationis, precumque jaculatoriarum ex amore profetas ad eam ceu metam dirigamus; eandem omniciu[m], devotione & veneratione prosequamur; sic illa viciissim se Matrem erga nos monstrabit: nos tanquam filios Dei adoptivos fovebit, suis precibus ac meritis in hac adoptione seu gratia divina conservabit, & hereditatem celestem, tanquam Mater optima, nobis relinquet.

Quae cùm ita sint, Dilectionissimi, quod si cum innumeris à centro, seu scopo nobis præfixo aberrare nolimus; initia Jonathæ, cum Beato Stanislao ternas aureas amoris sagittas ejaculemur, & quidem r. Sagittam charitatis in Deum; atque ut ea ex arcu cordis non remitto, sed intenso procedat, sape Dei magnalia, attributa ac perfections animo volvamus, sape infinitam ac summiam ejus potentiam, sapientiam, bonitatem, pulchritudinem, beneficentiam, sanctitatem, &c. in meditationibus & considerationibus nostris perpendamus; ita velut ex luce calor, ex cognitione amor,

Oo 2 ex

ex amore ignis , ex igne scintillæ & flammae, igne & que sagittæ dilectionis, in Deum, velut centrum nostrum ascendent. 2. Cum B. Stanislaoo sagittam auream amoris in Christum Eucharisticum, tanquam in scopum candidum e- vibremus, sive sacram synaxin frequen- temus, sive ab ea redeamus, sive inter- diu Dominum Deum nostrum in Sacra- mento absconditus piè invisamus: & jam sagittam adorationis, jam petitio- nis, jam salutationis, jam laudis & be- nedictionis , sed potissimum fidei, spei & charitatis tela jaciamus, & in omni adversitate, remedium, in omni des- tru, auxilium, & in triplici perfectionis via progressum impetrabimus. 3. Sa- gittam cum B. Stanislaoo amoris erga Beatissimam Virginem, mittamus, atque ita ipsa mediante, duplicum pri- rem scopum facilis attingemus: dilig- gamus eam cœu Filii Matrem ; quod si fecerimus, illa adopzione, diligencie, protectione, & hæreditatis donacione, veram se nobis matrem luculentem de- monstrabit.



## EXHORTATIO I.

PRO FESTO BB. TRIUM MARTYR. JAPONIAE.

PAULI, JOANNIS, ET JACOBI.

De præstantia Martyrii cruenti.

THEMA.

*Absit mihi gloriari, nisi in Crucē Domini nostri Iesu Christi.*  
Ad Gal. 6.

**E**cclesiæ Christianæ nihil tò, sanguis Martyrum, erederetur se- tantum gloriae & incre- men Christianorum. In eandem for- menti attulit, quām tem & gloriam admissa est minima Persecutorum, Tyran- norūmque immanitas, ac perpetua infestatio, quā seipsā audior fortiorque evasit, sic ut merita

JESU Societas; quz ne vanâ solū oftentatione JESU nomen circumferret, facta est non solū Nominis, sed etiam Crucis ac Passionis JESU So- cietas.